

(تاریخ حکمای یونان)

افلاطون

افلاطون سکسان سکنجی اولمپیادک برنجی سنه سی یعنی میلاددن
درتوز بکر می بش سنه مقدم تولد ایدوب بوز سکنجی اولمپیادک
برنجی سنه سنه سکسان برپاشنده اولدیغی حالد و فات
ایتمشدر

افلاطون مسقط رأسی اولان آتنه شهرینک اشرف خاندانندن
بربنه منسوب اولوب مذهبنک علو قدر و شانندن کنایه اولوق
اوزره افلاطون الهی عنوانله شهرت بولمیشیدی . پدری قودروس
(۱) سلاله سندن اربسطون و والدہ سی سالف الترجه حکمدان
سولون نسلندن پریکسیوندر . ابتدا اسمی اربسطو قلس ایدی .
فقط کندیوسی اوزون بویلو و ملحم و بالخصوص وسیع الجهد
و عریض الاکتاف اولوق حسیله بعدده پلاطون (۲) تسمیه
اولنوب بونکله شهرت شعار اولمشدر

روایت اولدیقنه کوره هنوز بشکده ایکن اریلر طودا غنہ بال دوکرل
ایدی و بودخی ابنای وطنی بیننده مایه امتیازی اولان فصاحت
عجیبه سنه براعت استهلالات ادا اولتور ایدی . هنکام صباوتننده
شعره هوس ایدوب برقاج مرثیه وایکی تراجیدیا (۳) نظم

(۱) آتنه حکمدارلینک الک صکره کبسیدر

(۲) پلاطون یونان لساننده اینلو معنا سنه در

(۳) بروقعه مؤله ایله مشهی اولور حکایه منظومه درکه

تیارلورده اوینایلور

ایلمشیدی . فقط علم حکمتله اشتغاله باسلا دقده بونلرک هپسنی
 اتشه اتمشدر . پدری کندوسنی تربیه وتعلیم ایچون سقراطله
 تقدیم ایتدیکنده بکرمی یاشنده ایدی . سقراط بوندن برکیجه
 مقدم رؤیاسنده قوجاغنده قوغو قوشی یاورسی کوروب اشبو قوش
 توپلری کلسدکده قنادلینی اجدرق ونعمات نفیسه ترغم ایدرک
 کمال جسامتله اوج سمایه عروج ایلشیدی . سقراط اشبورویانی افلاطون
 ایله تعبیر ایدوب مومی الیهک برکون اوج اعلائی اشتهاره واصل
 اوله جفته فال عبد ایلدی . فلاطون سقراطک وفاتنه قدرد
 کمال صدق و خلوص ایله مجلسنه ملازمت ایدوب فقط وفاتند انصکره
 هراقلیطس مذهبه تابع (قراتیلله) و (پارمنید) مذهبه سالک
 (هرموجینس) نام حکمایه انتساب ایلدی . بکرمی سکر یاشنسه
 واصل اولدقده سقراطک دیکر شاگردانیله برابر افلید سدن
 تلمذ ایلک اوزره (میغار) شهرینه عزیمت واورادن (سیرن) شهرینه
 کیدرک محل مذکورده تؤدروسدن علم هندسه تحصیلنه مبادرت
 وبعده ایتالیایه کچه رک اول زمان پک مشهور ریوئان
 فیثاغورس بیلرک درس لرینه مداومت ایلدی . اشبو اساتذّه عظامدن
 تلقی ایتدیکی علوم ایله اکنتفا ایتجوب مصر علما و حکما سندن دخی
 اقتباس انوار علم و معرفت ایتک اوزره مملکت مذکورده یه عزیمت
 ایلدی . اول اثنا ده سیاده بولنان محاربات مانع اولمشیدی
 مجوسیلردن دخی استفاده ایلک اوزره هندستانه دخی کیده چک
 ایدی

اشبو سیاحتلردن صکره آتیه یه عودت ایدوب (افاده می) استنده
 برقریه ده تمکن ایلدی . محل مذکورک هواسی وخیم ایلده ده

سن و عاقبت نامه سنی اصلاح و تعدیل ایتک مقصدیله محل مذ کوری
خاصه انتخاب ایلدی و فی الواقع بوعلاجک تأثیر بنی کوروب
شویله که اولاً بر حای مریمه مبتلا اوله بونی تمام بر بقی سنه
چکدی . فقط پر هیر و فناعته زیاده دقت ایتدیکی جهنله علت مذ کوره
مندفع اولوب اولیکندن زیاده کسب عاقبت ایلدی
فلاطون اوج کره محاربه یه کمتشدر . اشو محارباتک برنجیسی
تافعارا ایکنجیسی قورننه اوچنجیسی دیلوسده وقوعبولوب محاربه
اخیره ده منسوب اولدیغی طرف غلبه ایلشدر . اوج کره دخی
سچلیا یه کیدوب ایلک دفعه سی مجرد سیر و سیاحت (واتنا) جبل
اتش فشانک یاندیغی رؤیت ایتک ایچون ایدی . اولوقت
سچلیا حکمداری اولوب غدارلقله مشهور بولنان (دنیر) کندوسنی
کورمک استدیکنندن سراینه کیدوب حضورنده ظلم و اعتساف حقنده
بردرجه سر بستانه لقر دیلر سویلدیکه حکمدار مشار الیه
زیاده منفعل اوله رق اعدامنی قصیم ایتش ایکن بعض ذواتک
شفاعتیه عفو ایدوب فقط قتله بدل کندوسنی نزدنده بولنان
لقدومونیا ایلمچبسی پولبدنام ذاته تسلیم واسیر اوله رق فروخت
ایلمسنی تنبیه ایلدی . سفیرهومی الیه دخی فلاطونی (اغینا) نام
جزیره یه کتوروب اورا ده فروخت ایتدی . جزیره مذ کوره
اهالبسی مملکتلرینه آتله لولک ایاق باصماسی و خلافتده حرکت
ایدنلرک قتل الیه مجازات اولمسی حقنده بر قانون وضع ایتشدر
ایدی (خارماندر) امنده بر شخص فلاطونک آتله لواولسدیغنی
و قانون مذ کوره مفایر حرکت ایتدیکنندن طولای قتله مستحق
بولسدیغنی مجلته اخبار ایتش ایلده بعض خیر خواهان

قانون مذکور عادی ادملر حقننده اولوب فیلسوفلره شولی
 اوله مر دیوتاویل ایله صحابا ایلدکیرینه مینی جزیره دن اخراج
 اولتی اوزره فروخیله اکنفایشدیلر . مساعده طالعنه مینی قبروانلی
 انیسوس نام بر ذات اوراده بولندیفندن کندوسنی یکر می التونه صاتون
 السوب اتنهیه ارسال ایلدی . فلاطونی ابتدا صامتش اولان
 سالف الذکر (پولید) بر محاربه ده مغلوب اولد قدن صکره
 صوده غرق اولمشدر . کویا طائفه جندن بریسی وقتیه مر قومه
 خبر و برمش اولد یغی وجهله شو فلاکتلر فلاطونه ایتدیکی اذا
 وجفادن طولایی جزای عملی اولد یغی روایت اولتور . حکمدار
 مر قوم دنیر فلاطونک اتنهیه عودتنی استخبار ایتد کده کندوسنی
 مذمت ایده جکندن خوف ایدوب حتی استعفای قصور
 معرضنده فلاطونه بر مکتوب دخی ارسال ایلدی . فلاطون
 یازدیغی جوابنامه ده اولبا بده اندیشه ایتمکزل علم حکمت ایله کمال
 اشتغال سزی دوشکه میدان و بر مر دیدی

فلاطون مر قوم دنیرک اوغلی زمان حکمر شده اوراده بولان
 همشیرلرینک اطلاقنه و کندو تبعه سی حقننده رفق و ملایمتله
 معامله یه ترغیب ایتمک مقصدیه سچلیایه بردفعه ده سفر ایلدی .
 فقط درت ماه اوراده اقامت ایدوب حکمدار مر قوم نصایح
 واقعه سنی قبول ایتمک دکن بشقه دیونی (۱) نفی واجلا و پدری
 کبی مظالم و تعذبات اجرا ایلدیکنی کوردکده اوراده طرور مق
 استمدی و حکمدار مر قوم هر نقدر کنند و سنی توقیر و احترام
 و اوراده قالسچون ابرام ایلمش ایسه ده موافقت ایتموب اتنهیه

(۱) دیون سیراقوسلی اولوب فلاطونک شاگرد و دوستی و دنیرک
 دامادی ایدی

هودت ایلدی : بعده او چنجی دفعه اولق اوزره - پچلیسایه
 کیدوب موچی الیه دیونک نفیدن اطلاقنی التماس و ترک حکومت
 حقننده خیر لو اولدیفنی حکمدار مر قومه سر بستانه سو یلدی .
 اول دخی ابتدا صورت موافقت کوسترمش ایسه ده بعده سوزنده نبات
 ایتمدیکندن خلف وعدندن طولانی تو بیخ ایله بر در جده اغصاب
 ایلمیکه معرض تلفه بولندی و تارانتلی (ارخیدس) برسفینه ایله
 مخصوص برسفینار سال ایدرک فلاطونی طلب ایتماش اولیدی بلکه
 قتل اولورایدی . حکمدار مر قوم ارخیدسک رجاسی اوزرینه
 فلاطونک عزیمته رخصت ویرد کدن بشقه اثنای سفیده اقتضا
 ایدن ذخار و ازراقی دخی سفینه سنه وضع ایتدی بردی . فلاطون
 ارتق بردها چیقماق نیتله آشده عودت ایدوب اهالی کمال توقیر
 واعز از ایله کندوسنی استقبال ایلدی لر و بر حکومت مأموریتی قبول
 ایتسیچون هر نقدر کندوسنه ابرام اولنمش ایسه ده اول انشاده اهالی به
 عارض اولان فساد اخلاق جه تیلله ابراز حسن خدمته موافق
 اوله مم دیه رک بروجه ایله موافقت کوسترمدی . بتون یونا نستان
 اها لیسى فلاطون حقننده فوق الغایه حرمت ایدوب حتی بر کره
 اولیمیا دجهیننده بولدی بی حالده اورایه تجمع ایتش اولان
 طوائف مختلفه یونان طبعاً زیاده مائل اوارقلری هر درلوسیر
 و تماشایی ترک ایدوب فلاطونک مشاهدۀ دیدار یله تلذذ ایلد کلامی
 کورلشدر
 فلاطون مدت عمرینی حال تیج زده امر از ایدوب دائماً عسده
 برهبر کاری و فناعته فوق الغایه رعایت ایلرایدی . ایام صباوتنده
 ییله غایت مکاننی اولوب قهقهها ایله کولدیکی هیچ وقوع و عوالمش

وداعاً شهواته غالب اولوب نهورو غضب حالی دخی کورلما شدرد .
 حتی صغر سئیدن بر و نزدنده تربیه اولمش بر دلقانلو کندو
 خانه لرینه عودت ایتسد کده بر کون پدرینی غضبناک کورمکله
 شو حالدن ک متعجب اولهرق فلاطونک یاننده بن بویه شی کورمدم
 دیدیکی منقولدر . بالکن برد فعه کوله سی بریوک قباحت
 ارتکاب ایتمکله انک حقننده بعض مرتبه حدت اظهار ایتدی
 و بن بر از غضب حالنده اولدیغم ایچون شاید حد لایق تجاوز
 ایدرم دیه رک مر قومک تأدیننی بشقه سنه حواله ایلدی . ارسطونک
 نقلی اوزره هر نقدر کندوسی سوداوی المزاج و کثیر التفکرایسه ده
 ضایت ملایم و بشوش اولوب ضرر سز مزاجی دخی سورایدی
 و شاکر دانسندن (زنوقرات) ایله (دیون) بعض مرتبه
 عنف و شدتله متصف اولدقلرندن تهذیب اخلاق ایتک ایچون
 سز آکمه یه قربانلر تقدیم ایدیکز دیوانلره نصیحت ایدرایدی
 فلاطون بر چوق شاکر دینشدره شدرد . بونلرک الک ممتازلری
 همشیره زاده سی (سوسپ) و (زنوقرات) و مشهور (ارسطو) در .
 حکمادن (توفراست) ک دخی بوز مره دن اولدیغی مرویدر .
 و (دیوستن) دخی فلاطونه نسبت دهوی ایدرایدی . اشبو
 دیوستن اسکندر رومی طرفندن یونا نستان والبسی بولتان
 (انتپاتر) ک اندن قورتلای ایچون بر محله التجا ایتشیدی . والی
 مر قوم طرفندن کندوسی اخذ و کرفته مأمور اولان (ارخیاس)
 نام ذاته کیدوب بو محلدن چیقر ایتسه ک جانکه ضامن اولورم
 دیمکله روحک بقاسی حقننده زنوقرات و فلاطونک مقالاتنی استماع
 ایتمشیکن حاشا که بن ذلتله حیامی عزتله ممانه ترجیح ایده یم دیمش

و شو کیفیت صدق مدعا سنی مؤید بولمشد ز . افلاطونك
شاگردانی ایچنده ایکی دخی قادین واردر . بونلرك بریسی ماننینه لی
(لانتیا) و دیگر ی بلیازی شهری اها لبسندن افسوسه ایدی . بونلرك
ایکینسی دخی تعلم ایلدکلری علم حکیمته دهها مناسبت او اور
مطالعه سیله دائمًا ارکک قیافتنده کررلر ایدی . افلاطون علم هندسه یه
زیاده اهمیت و بروب بر فلیسوف ایچون مطلقا یونی بیلک لازمدر
اعتقادنده اولد یغندن کلمات اتیه بی مدرسه قیوسی اوزرینه
یازدیرمیشدی (علم هندسه ده مهارتی اولیا نلر بورایه کبر مسونلر)

فلاطونك ایوم موجود بولنان اون ایکی قطعه مکتوب بندن ماعدا
بالجمله مؤلفاتی بحا و ره اصولی اوزره یازلمشدر . اشبو محاورات
اوج قسمه تقسیم اولته ییلوز . بریسنده مفسطه جیلری ردودیکرنده
کنجیلره علم و ادب تعلیم ایدر و او چنجیسنده دخی سن رجولینه
واصل اولمش اولتاره مخصوص مواددن بحث ایلر . محاورات
مذکوره بر بشفه صورته دخی تقسیم اولتور چونکه فلاطون
سالف الذکر مکتوبلرنده و قوانینه متعلق کتابلرنده و (ایتنومبس)
نام تألیقنده بیان اولنان مواد کئندو مذهب مخصوصی اولوب فقط
دیگر محاوراتده (سقراط) و (نیمه) و (پارمنیدس) و (زنون) مثالو
ذوات لسانندن سویلد یکی شیلر ملحوظات قیلندن اولوب بونلرك
صحنی تعهد ایتمز . هر تقدیر محاوراتنده سقراطك لسانندن یازد یغی
شیلر سقراطك مزاجنه موافق و حین مباحثه دن مسلوکی
اولان اصوله مطابق ابدیه بونلر حقیقه سقراطك کئندو افکاری
ظن اولناملیدر . چونکه سقراط هنوز حیاتده ایکن فلاطونك (لبس)
صنوائیه ترتیب ایتمش اولد یغی بر بحاوره بی سقراط مطالعه

ایتد کده فلاطون بکاهیج خاطر مه کلامش شایر سویلتش دیه رک
مخاوره مذکوریه بی تکذیب ایتشد.

فلاطونک انشاسی ارسطونک شهادتیه کوره بلاغت نظم ایله
سادکی نثریشده ایدی . مشاهیر ادبادن (کیکرون) فلاطونک
بلاغتده اطرا ایدرک دیمشدر که اگر مشتری (۱) لسان انسانی
اوزره تکلم مراد ایتسه انجیق فلاطون قدر حسن تعییره مقتدر
اولور ایدی . کذلک ادبادن (پانوتیوس) فلاطون حقنده
فیلسوفلرک اومیروسیدر دیر ایدی

فلاطون اوج فیلسوفک رایلرندن مرکب بر مذهب تشکیل
ایتمشدر . طبیعیات و محسوساتده هر اقلیطسک افکارینی قبول
ایتمش و مافوق الطبیعیات و عقایدده فیثاغورسه تبعیت ایلمشدر
وسیاست و اخلاقده سقراطی جمله یه ترجیح ایدوب بویابده
بالکنز انک مذهبیه تمسک ایدر ایدی

فلاطون اصول ثلثیه قائل اولوب بونلر دخی آله و ماده و فکر در .
آله عقل کل و ماده کون و فسادک هیولاسی و فکر دخی بر جوهر
روحانی اولوب علم الهیهده مرکوز در زعمنده ایدی . اگر چه عالم
بر آله خالقک صنعی اولد یغنی اعتقاد ایدر ایسه ده اشبو خالقک
اشیایی محض هد مدن خلق و ایجاد ایتد یکنهه قائل اولمز ایدی .
شویله که آله عالمی من الازل موجود اولان بر ماده دن تشکیل
وانشا ایلمشدر دیر ایدی . بوضورتده آله خالق ماده اصلیه به بر شکل
ویره رک عالمی خلق ایلمسی بر معمارک ایشلنماش طاشلری تحت
و بر شکل مخصوص اوزره وضع ایدرک بر خانه انشا ایلمسی کبی

(۱) یونان و رومالورک معتقدلری اولان آلهه نک رئیسیدر

دیمک اولور

فلان (اینومبس) نام تألیفنده بیان ایلدیکی وجهله علوی و سفلی و متوسط اولق اوزره اوج درلواکه تصور ایدر ایدی .
 علویلری سماده ساکن اولوب ماهیتلری و ممکنلرینک بعدینی
 جهتیه انسانلر ایلر ایلر انجق آلهه متوسطه واسطه سیله اختلاط
 ایدرلر . اشوالهه متوسطه دخی هواده ساکن اولوب بونلره
 شیطان تسمیه ایدر ایدی . بونلر الهه علویه تک و کلاسی مقامنده
 اولوب الهلرک او امرینی انسانلرک قربان و دعا لرینی الهلره
 ایصال ایدرلر و بونلرک هر بری محول عهدهلری اولان موافقی اداره
 ایدرلر و ظهوره کلان خوراق عادات بونلرک اثار ایدر و الهه سفلیه
 ایرمقلرده بولوب بونلرک رژیاری تمثیل و الهه متوسطه کی بعض
 غرائب اراته ایدرلر و موجوداتک هر جنوی اشوالهه سفلیه ایلر
 مملو اولوب حتی بونلر بعض کره انسانلره کورینوب بعده اختفا
 ایدرلر دیر ایدی

فلاطون تناسخه دخی قائل اولوب بونی فیثاغورسیدن اخذ ایلر
 دیگر برقالبه افراغ ایتشیدی . شواعتقادی بعض مؤلفساننده
 مصر حدر . فلاطون هر تقدیر بقای روح حقنده بر محاوره بلیغه
 ترتیب ایتش ایلر ده بومسئله ده بیوک خطاری واردر . شویله که
 بریسی معنوی و دیگر مادی اولق اوزره روحی ایکی به تقسیم
 ایتش اولدیغی جهنمه کرک روحک ماهیتی حقنده و کرک ارواح
 اجسامدن مقدم موجود اولوب اجسامه حلول ایتک اوزره
 سمادن نزول ایدر و تزکیه اولندقدنصکره یننه سمایه رجوع
 واوراده برمدت قالدقدنصکره تکرار اجسامه حلول ایتک اوزره

بند ارضه نزول ایدز و بوجہ دور دائم اولہرق تلوث و تطہر
ایلدیمشدر

روح و قتیہ حلول ایلدیکی اجسادده مظہر اولدقلری حالاتی
کافہ اونومزل اعتقادندہ اولدبقندن اروا حک تحصیل ابتدا کلری
معلوماتک اکثریمی وقتیلہ کسب ایتیش اولدقلری معلومات
تخطرندن عبارت اولد یغنی ادعا واروا حک اقدمیتی اعتقادینی
اشبوخطرات اوزرینہ بتا ایدرایدی

فلاطونک مذہبی مسائل عدیدہدہ زیادہ مقبول و مستحسن
کورندیکی جہنہ برمنوال محرر زمانندہ افلاطون الہی عنوانیلہ
شہرت بولوب بعد الوفات دخی الوہیتنہ ذہاب اولمشدر
فلاطون طوغد یغنی کوندہ وفات ایتشدر

ایلا ایتخان ایتیش و فکرات افلاطون
و ایتخان ایتیش و فکرات افلاطون
و ایتخان ایتیش و فکرات افلاطون
و ایتخان ایتیش و فکرات افلاطون

امرا ایلہ اختلاطدن احتراز اید بکرزیرا او مقولہ لر سزہ فسالق
ایتدکلرند ن طولانی امتنان ایدرلر اولاد کرک علم و ادبی کندو علم
و ادبکرہ حصرو قصرا ایتیکز زیرا ایلر سزک زمانکرذن بشقہ بر زمان
ایچسون خلق اولمشدر در اقبال حالندہ شہوات عقولہ واد بار
حالندہ عقول شہواتہ تابع اولور عفو ایلری اصلاح ایتدیکی
درجہ فنا لری افساد ایدر انسان هر صباح آینه دم کند و یوزینہ

نظر ایملیدر اگر کوزل ایسه بر فعل قبیح ارتکابیه کوزل لکنه
نقیصه ابرائندن اجتناب و اگر چر کین ایسه ایکی چر کینی برارایه
کتور مکدن حجاب ایلیه . اختیار لغت . مونه قریبتی اولش میومئ
روز کار اسمسیله برده و شکمه قریبتی کیدر . عاقل اولان ادم یوز کجک
اقتدی یه مداراسی کبی زمانه یه مدارا ایتمیدر . عادل اولیان
بر حکمدارک مقرر بلکنه و حلالندن اولیان ثروته و صدقه مقسارن
اولیان بلاغت و محالنده اولیان سخاوت و حسبی اولیان اعمال حسنه یه
غبطه اولنما ملیدر . عقل طبعی انسانک باطننده اولوب اغاجک
ظمرلی مثابه سنده در و تعلم ایله حاصل اولان عقل انسانک
خارجنده اولوب اغاجک دالرنده میوه ویرن محلی منزله سنده در .
اجسادک قوتی اطعمه دن و صفولک قوتی حکمدن حاصل اوور
بناء علیه عقول حکمدن محروم قالدقده اجسادک فقدان طعمه
هلاک اولد یغی کبی هلاک اولور . والدله رچو جعفر بنی طعمه
باشلا تمزدن اول سودایله بسلد کیری کبی استاد کامل دخی شاکر درینه
علوم دقیقه تدربسندن اول علوم سهله تعلیم ایدر لر . کفران نعمت
محرومیتی مؤدی اولور . عاقل اولان ذات حکمدارلک کند و سنه
جفا و جهلا یه اعتبار ایتملرندن شکایت ایتمز زیرا یاور که دنیا ده
قسمت لهر کسک قدر و استحقاقنه کوره تقسیم اولنما مشدر . مسک
هر نقدر اخفا اولنسه رایحه سی منتشر اوله جفی کبی صالح
دخی هر نقدر صلاحی کتمه سعی ایسه بنه اکلاشیلور . حکیم صالح
کیمسه بی اغفال ایتمز و عاقل کاملی کیمسه اغفال ایده مز . ملو که
نصیحت ایتمک و خیم العاقبه در . انسان وقت شدا ندده احبنا و افر باسنه
و عهد ده اهل صداقته و فقر و مسکینده زوجه صالحه یه و حین

ممانده حسناشاه اعتماد ایتلیدر . جهلدن اشد فقیرلک و عجبدن
 مددهش بالکرتاق اوله من . عاقل سفها ايله ذوق ایتلیدن ایسه
 عقلا ايله طاش طاشتمنی ترجیح ایدر چونکه ایکی صنفک دخی
 عاقبت حالربنی ییلور . فاجره تعظیم ایتلک فجورینه تقویت
 ویرمکدر و احقه تعلیم علم ایتلک پیهوده اضاعه وقت ایتلکدر
 و کافر نعمه ایولک ایتلک نعمی هیا ایتلکدر بناء علیه بویه برامره
 تشبث اولمق اسنلد کده اول امرده محکام مناسبت
 اولوب اولدیفنی تحقیق ایتلک لازمدر . انسان کند و اتباعنک بيله
 لغردینی کسمالیدر زرا مغایر ایدر . و صینسز کجه کچورمیکر .
 حیا سزلق قبا یحک الکبیر (اسکندر خطیبام) مرحتلو
 اول فقط بومرحت موجب فساد اولسون . سندن اول کلا ناردن
 عبرت آل وسندن صکره کلانلره عبرت اوله . دشمنک کسب قوت
 ایتلکسزین حالبنی تحقیق ايله و فتق بیومز دن اول رتقی ایت .
 احسانک محدود اولسون زرا و صورت نامک املنی سنده دهها
 زیاده توسیع ایدر . خاصه عامه اوزرینه مساوات اوزره حکم
 ایت و بیل که خاصه نک صلاحی عامه نک صلاح چنددر . علم ماوکل
 زینتیدر زائل اولان شیله تفاخر اولمق وثابت اولمایان شیله غنا حاصل
 اولمز . محاربه ده عسکر کدن مقتول اولنلرک اولادینه معاش
 تعیین ايله و اولک طرفندن مجروح اولنلره بر جازه ايله مکافات ايله
 و ارقه سندن مجروح اولنلری بالکرتلسان ايله تعزیر ايله و سقط
 اولنلرک بقیه عمرلینه قدر اتفاق سنک اوزرینه واجبدر . لایلا
 عقده مشورت ايله زیرا انده فکر کوندزدن زیاده طولانیودر .
 زیاده ملایم اوله زیر! خلق سکا طمع ایدر و زیاده شدت کوسترمه

زیرا سندن نفرت ایلر . اخوانک عیوب باطنه لرینی تبیع ایدنلر
برخوردار اولزلر . ممدوحا وفات ایدنلر مقدوحایشا یاناردن
بختلودرلر . خلق دست ظلمکدن سالم اولد قجه سن نفسک
ایچون سلامت مأمول ایتمه . حکمت نطق انسا سنده وشجاعت
غضب حالده وعفت شهوت عالنده یلنور . خلقتدن حیا ایدوبده
کندو نفسندن اوتامیان نفسک کندو عندنده هیچ قدری یوق ایمش
دیمکدر . برادم کندو سنده برشی سویلیوب پک اوزاتدیغندن استماع
ایده لی خیلی وقت کچمش اولد یغندن سوزیکزک ابتدا سنی
اوندیم ونهایینی ایسه اولنی بیلدیکم جملته اکلایه مدم . بیلیم دیک
بردرجه خوشمه کیدر که ییلدیکم شیلر ایچون دخی بیلیم دیه سم کلور .
انسانلری ذات حالنده دکل قدر تلی اولدیخی وقت تجربه
ایلملیر . اتون پونه ده امتحان اولدیخی کبی انسانلر دخی اقتدار
حالنده تجربه اولنور زیرا خبرک خیری وشریک شری اولوقت
میدانه چیقار . امور جزئییه ده حقی غائب ایدن حکمدار امور
کلیه ده بوندن سالم اوله عز و بر حکمدار کندو رأینک خطا سنی
اکلا دقدن صکره انده اصرار ایدر ایسه دشمنلرینی شاد ایدر .
عقاب آخرتی نظردن غائب ایتمه وحق تعالینک سکا احسان
یوردیخی نعمتلری ملاحظه ایله برقومه ظفر بولد یغکده عموما
انلر حقنده شدت کوسترمه زیرا انلرک اکثریسی ضعیفا وبری
الذمه در . دنیایه شدتله محبت ایدن فقیر اوله رق وفات ایدر .
شرایده اسراف سفاک ناس کاریدر